



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ
ՆԱԽԱՐԱՐՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77

N 91/16290

< 10 > 01 2023թ.

**Գևորգ Խաչատրուրի Սաքանյանին
Հասցե՝ Լոռու մարզ, գ. Ճոճկան, 1-ին փողոց, 3 ՆՐԲ 4 փուն**

Ուղարկվում է վարչական մարմնի նախաձեռնությամբ ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական վարույթի արդյունքում թիվ **8300629091** վարչական ակտն անվավեր ճանաչելու մասին որոշման օրինակը:

Առդիր՝ << 2 >> թերթ:

Հարգանքով՝

Պետր, ոստիկանության գնդապետ՝

Կատ. Գ. Կիրակոսյան

 **Ա. Խաչատրյան**

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 07.06.2023թ. կայացված թիվ **8300629091** վարչական ակտն անվավեր ճանաչելու մասին

07.07.2023թ.

ք.Երևան

ՀՀ ՆԳՆ ոստիկանության պարեկային ծառայության պետ, ոստիկանության գնդապետ՝ Ա. Խուդինյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածով, վերանայելով 07.06.2023թ. կայացված թիվ **8300629091** վարչական ակտը,

Պ Ա Ր Զ Ե Ց Ի

2023 թվականի հունիսի 26-ին ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում ստացվել է Կոտայքի մարզի գումարտակի հրամանատար, ոստիկանության փոխգնդապետ՝ Արտյոմ Սահակյանի զեկուցագիրն այն մասին, որ նույն գումարտակի, 2-րդ վաշտի, 2-րդ դասակի ավագ պարեկ, ոստիկանության կապիտան՝ Մանուկ Խաչատրյանը 2023 թվականի հունիսի 7-ին ժամը 01:33-ին Կոտայքի մարզի գ.Նոր Գեղի, Ոսանողական փողոցում քաղաքացի Գևորգ Խաչատուրի Սաքանյանի նկատմամբ կազմել է վարչական իրավախախտման վերաբերյալ արձանագրություն այն բանի համար, որ վերջինս «ԳԱԶ 311000» մակնիշի 02 ՕՏ 655 հաշվառման համարանիշի տրանսպորտային միջոցը վարել է խախտելով <<Ճանապարհային երթևեկության անվտանգության ապահովման>> մասին ՀՀ Օրենքի 18-րդ հոդվածի 1-ին մասի <<գ>> կետի պահանջները, այն է՝ տրանսպորտային միջոցը վարել է տվյալ կարգի տրանսպորտային միջոց վարելու իրավունք չունենալով և <<Վարչական իրավախախտումների վերաբերյալ>> ՀՀ օրենսգրքի 128-րդ հոդվածի 1-ին մասի հատկանիշներով կայացրել է թիվ **8300629091** որոշումը՝ Գ.Սաքանյանին տուգանելով 25.000 ՀՀ դրամի չափով, սակայն տեղում ստուգմամբ պարզվել է, որ վերջինս գտնվում է ոչ սթափ վիճակում (սթափության վիճակի գննության թիվ 00297 արձանագրություն):

Պարեկային ծառայող Մանուկ Խաչատրյանը նույն պահին կազմել է արձանագրություն, զուգակցված թիվ 8180281615 որոշմամբ՝ նշելով, որ տրանսպորտային միջոցներ վարելու իրավունք չունեցող անձը տրանսպորտային միջոցը վարել է ոչ սթափ վիճակում, սակայն չի կայացրել որոշում, քանի որ նշված արարքը ՀՀ քրեական օրենսգրքի 344-րդ հոդվածի 2-րդ մասի համաձայն քրեական պատասխանատվություն է նախատեսում տրանսպորտային միջոցներ վարելու իրավունքից զրկված կամ տրանսպորտային միջոցներ վարելու իրավունքը կասեցված կամ **տրանսպորտային միջոց վարելու իրավունք չունեցող անձի կողմից հարբած (ոչ սթափ) վիճակում տրանսպորտային միջոց վարելու համար:**

Զեկուցագրում նշված հանգամանքները հաստատվել են նաև կից ներկայացված թիվ **8300629091** վարչական ակտի, ինչպես նաև 07.06.2023թ. կազմված վարչական իրավախախտման վերաբերյալ արձանագրության և զուգակցված թիվ 8180281615

որոշման և էլեկտրոնային ռեգիստրերից կատարված քաղվածքների պատճենների ուսումնասիրությամբ:

ՎԻՎՕԻ 9-րդ հոդվածի 2-րդ պարբերությունը սահմանում է, որ սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

Սույն օրենքի 77-րդ հոդվածի 1-ին մասի <<ա>> կետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

<<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը), վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:

Տվյալ պարագայում ՀՀ ՆԳՆ ոստիկանության պարեկային ծառայության Կոտայքի մարզի գումարտակի 2-րդ վաշտի, 2-րդ դասակի ավագ պարեկ, ոստիկանության կապիտան՝ Մանուկ Խաչատրյանը թիվ **8300629091** որոշումն ընդունել է օրենքի սխալ կիրառմամբ, այսինքն՝ ընդունել է ոչ իրավաչափ վարչական ակտ, քանի որ քաղաքացի Գևորգ Խաչատուրի Սաքանյանի կողմից տրանսպորտային միջոցներ վարելու իրավունք չունենալով տրանսպորտային միջոցը ոչ սթափ վիճակում վարելը նախատեսում է քրեական պատասխանատվություն, ուստի թիվ **8300629091** որոշումը ենթակա է անվավեր ճանաչման:

Ելնելով վերոգրյալից և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և 67-րդ հոդվածով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 07.06.2023թ. կայացված թիվ **8300629091** վարչական ակտը ճանաչել անվավեր:

2. Որոշման օրինակը ուղարկել քաղաքացի Գևորգ Խաչատուրի Սաքանյանին և ՀՀ ՆԳՆ ոստիկանության պարեկային ծառայության Կոտայքի մարզի գումարտակ:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

Պետ, ոստիկանության գնդապետ՝

Ա. Խուդինյան